



Universitätsbibliothek Paderborn

**Isagoge Sive Introductio Ad Vitæ Spiritualis
Perfectionem, Omnibus tam Regularibus, quām Clericis
Sæcularibus, Confessariis, Concionatoribus, & Animarum
Pastoribus perquām utilis, & specialiter ...**

Herlet, Johann Georg

Sulzbaci, Anno MDC.XCIII.

§. 7. Statûs Religiosi securitas.

urn:nbn:de:hbz:466:1-37853

Numer. 14. ubi ex tot millibus Ægypto per Mare rubrum egressis solum duo viri, scilicet Josue & Caleb, ad Terram promissam perventuri praedicanter; reliquis omnibus propter peccata gulæ, murmurationis, Idololatriæ, fornicationis, ambitionis & inobedientiæ exclusis; quod & ita contigit. Clarissimè vero eam salvandorum hominum paucitatem significat Christus in Evangelio Matth. dicens: *Intrate per angustam portam: quia lata porta & spatiosa via est, quæ dicit ad perditionem, & multi sunt, qui intrant per eam. Quam angusta porta & arcta via est, quæ dicit ad vitam, & pauci sunt, qui inveniunt eam.* Et Matth. 20. multi sunt vocati, pauci vero electi. Item Matth. 11. Regnum Cœlorum vim patitur, & violenti rapiunt illud. Et Luc. 13. ubi cùm ad Christum diceret quidam: *Domine, si pauci sunt, qui salvantur, Ipse respondit: Contendite intrare per angustam portam: quia multi, dico vobis, querent intrare, & non poterunt.*

Quod autem tam pauci sint salvandi & plurimi damnandi, causa non postrema est *Mundus* cum suis voluptatibus, divitiis & honoribus. Nam de possessoribus divitarum ait Christus Matth. 19. *Amen dico vobis, quia dives difficile intrabit in regnum Cœlorum. Et iterum dico vobis, facilius est Camelum per foramen acu strassire, quam divitem in regnum Cœlorum.* Et Luc. 16. *Mortuus est dives, & sepultus est in Inferno.* Unde S. Joannes 1. epist. c. 2. hortatur mundum fugere, dicens: *Nolite diligere mundum, neq; ea, quæ in mundo sunt. Si quis diligit mundum,*

non

non est Charitas patris in eo : quoniam omne, quod est in mundo, concupiscentia carnis est, & concupiscentia oculorum, & superbia vita. Et ibidem c. 5. Mundus totus in maligno positus est. S. Jacobus etiam c. 4. ait: Nescitus, quia amicitia hujus mundi inimica est Dei? Quicunque ergo voluerit amicus esse seculi hujus, inimicus Dei constituitur. Et c. 1. dicit: Religio munda & immaculata apud Deum, hæc est, immundatum se custodire ab hoc seculo. In quem proinde locum S. Thomas commentans, subdit:

Mundus non mundus, qui mundos polluit: Ergo

Qui manet in mundo, quomodo mundus erit? Et S. Augustinus tract. 38. in Joann. si delectat te mundus, semper vis esse immundus.

13. Qui ergo vocati sunt de mundo & mundanorum consortio ad statum Religiosum, meritò id inter summa post Creationem, Redemptionem & per Baptisma Sanctificationem) Beneficia numerare debent; sicut Christus à suis Discipulis agnosci & numerari voluit Joann. 15. dum ait: De mundo non es sis ; sed ego elegi vos de mundo. Non vos me elegistis, sed ego elegi vos, & posui vos &c. Nam in statu Religioso tot & tanta damnationis pericula non inveniuntur; sicut benè declarat S. Chrysostomus lib. 3. advers. vituper. vite monast. dicens: Nihil horum penitus in monasteriis invenies. Sed quanquam procella tanta fluctusque tanti deserviunt; soli, qui in monasteriis degunt, in tranquillo portu & securitate summa residentes, velut è Cælo ipso cœterorum naufragia prospectant : Namque apud

B 5

Mona-

Monachos ex ingenti multitudine vix pauci lapsi sunt. In vita seculari et plura sunt et parati opera naufragia; quia et plura sunt, quae perturbent: in Monachorum autem vita profecto et fluctus tantum non sunt; sed contra penitus serenitas summa et tranquillitas, et studium longe excellenter aduersus eam fluctuum rabiem. &c. Et S. Bernardus homil. de querente bonas Margaritas. In Religione Homo vivit purius, cadit rarius, surgit velocius, incedit cautiulus, irroratur frequentius, quiescit securius, moritur fiduciuss, purgatur citius, premiatur copiosius. Item in epist. ad Fratres de Monte Dei: Celle et Caeli habitatio cognata sunt; quia sicut Caelum et Cella ad invicem videntur aliquam habere cognationem nominis, sic et pietatis. Quid geritur in Caelis, hoc et in Cellis. Quidnam est hoc? Vacare Deo, frui Deo. Nec jam Spiritu oranti, vel etiam a corpore exeundi, e Cellâ in Caelum longa et difficultus via invenitur. A Cellâ in Caelum sèpè ascenditur: Vix autem unquam è Cellâ in infernum descenditur; nisi, sicut dicit Psalmista, descendant in infernum viventes, videlicet ne descendant morientes. Moriens autem vix aut unquam aliquis è Cellâ in infernum descendit: quia vix unquam aliquis nisi Cælo prædestinatus in eam usq. ad mortem persistit. Quapropter cum S. Arsenius adhuc in palatio Imperatoris constitutus oraret Dominum, dicens: Domine dirige me ad salutem, venit ei vox, dicens: Arseni, fuge homines, et salvus eris. Quā auditā descendit ad Monachalem vitam; uti habetur in vitis patr.

part.

part. 2. Ac postea iterum audivit: *Fuge, tace,
quiesce: hæc enim sunt radices, non peccandi;
quæ in omni Religione benè constitutæ reperi-
untur.*

§. 8.

Boni Religiosi beata Mors.

14 **Q**uod Homines sœculares moriantur sub-
indè tam illubenter, invito animo, dif-
ficulter, atq; etiam aliquando infeliciter, oritur
præcipue ex duabus causis. *Prima est*, quod ag-
glutinati sint animo & adhærent Bonis suis
temporalibus, quæ possident domi vel ruri; aut
quod adhærent suis charis amicis v. g. uxori,
prolibus &c. atq; quod constituti sint in hono-
ribus & dignitatibus; aut quod perfruantur de-
liciis & voluptatibus; à quibus per mortem vio-
lento modo abstrahi debent & separari, non si-
ne vehementi dolore & reluctancee. *Unde*
Eccli. 41. dicitur: *O Mors, quam amara est me-
moria tua homini pacem habenti in substantiis
suis!* tam amara scilicet, ut multos erumpere
faciat in illa verba Regis Agag morientis: *Sic-
cinè separat amara mors!* *1. Reg. 15.* Hæc autem
tam violenta & dolorifera à Charis in morte
avulsio non reperitur in Bono Religioso; utpotè
qui jam pridem exuit omnem inordinati amo-
ris affectum erga consanguineos & amicos,
quando illos cum sæculo reliquit; Insuper
omnes rerum temporalium possessiones per vo-
tum paupertatis à se abdicavit; Uxore & pro-
libus per votum Castitatis se ipsum privavit;
hono-